



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kirchen Calender

Goldwurm, Kaspar

Franckfort am Mayn, 1574

xiiij Fides mit jhren Schwestern.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

willen / vnder Anthonino Römischen Keyser
vmbbracht worden.

Ein anderer Victor ist auch ein Christlicher
Kriegsman gewesen / diser hat auch Christum be
ständiglich bekandt / vnd darumb verfolgung
vnd den tod gelitten / vnder Maximiano Röm
ischem Keyser.

Es ist einer / Victor genandt / Bischoff inn
Aphrica gewesen / Diser ist auch vñ Christliches
glaubens willen / vnder Galieno Römischen
Keyser getödt worden / Diser wirt hoch gerüh
met von S. Cypriano / lib. 4. Epist.

Zu der zeit S. Mauritij ist auch ein Victor
ein Thebanus / gemartert worden / vnd neben
oberzeten / Victoriam, das ist / den Sig wider
Todt vnd Teuffel / durch die gnad Gottes / er
halten / vnd die vnterweckliche Kron der
Herlichkeit erlangt / etc.

Diese Fides ist ein Christliche vnd keusche
Römische Jungfraw gwest / welche sampt
ihren zwo Schwestern / Spe & Charitate, den
Christlichen glauben beständiglich mit grosser
freudigkeit bekandt hat / Derhalbent sie auch zu
der zeit vñnd Regierung Adriani Römischen
Keyfers sein zu Rom getödtet / vnd in höchster
gedult jämmerlich gemartert worden.

§

Dieser

iunc
C
xxiij
Fides.